



名媛彙詩第十二卷目錄

七言絕句

明

虞氏

井上行

孟淑卿

悼亡

春歸

觀蓮美人圖

長信宮

春日偶成

秋夜

席上贈妓

登樓

秋日書懷

朱靜菴

虞姬

竹枝詞二首

暮春卽事

初夏

病中作

客中卽事

秋日見蝶

閨怨

春蠶

染甲

鄒賽貞

題菊

見雪

中秋懷壻

潘氏

題劉阮圖

夜坐讀周南

秋詞

隨任夜泊晉陵

詠柳二首

茅氏

賣廢宅

王素娥

渡錢塘江

黃昏

獨愁

淮安妓

送春試

邵氏

寄情人

李玉英

送春

別燕

馬氏

暮春

七夕

孫夫人

對雨漫述

董夫人

宮詞二首

海棠花

青娥居士

村居

陸卿子

塞下曲

酬范夫人

山中憶范夫人

病妓

花燭詞送顧氏姪于飛三首

贈妓

宮詞

徐媛

贈金雲卿

明妃詞

詠宮人曉粧

宮怨

竹枝詞

尹氏

梅

春曉

出日下雪

鄭垣妻鄧氏

秋夜聞笛

潘仲徽妻陳氏

寄遠

楊宛

秋懷

齊錦雲

贈庠士傅春謫戍詩

景翩翩

寄友

送張孝廉

王微

賦戲閨人

端淑卿

秋風

含笑花

梅

桂茗

惜春

秋夕泊丹湖

閨詞二首

馬月嬌

和衛生二首

薛素素

畫蘭

趙今燕

寄陳八玉英時留姑蘇

郝文珠

送張隆父還閩

朝鮮女子

許景樊

登樓

遊仙詞十二首

塞下曲

宮詞四首

閨情

映月樓

竹枝詞

秋恨

李淑媛

謾興贈郎

自適

秋思

七夕

成氏

楊柳詞二首

竹枝詞二首

鞦韆詞

俞汝舟妻

楊柳詞二首

步虛詞

妓德介氏

送行

權賢妃 高麗人

宮詞

古今名媛七言絕句卷之十二

閩中鄭文昂季卿甫編輯

明

虞氏

井上行

一片貞心古井泉
清寒徹骨自堪憐
相看歲暮青青色
歷盡冰霜戴一天

孟淑卿

悼亡

名媛彙詩

卷之十二

班班羅袖濕啼痕深恨無香使返魂
豈蕊花存
人不見一簾明月伴黃昏

春歸

落盡棠梨水拍堤萋萋芳草望中迷
無情最是
枝頭鳥不管人愁只管啼

觀蓮美人圖

綠槐蟬靜日偏長懶爇金爐百和香
莫摘池中
蓮子看個中多半是空房

長信宮

滿階紅葉鴈聲頻永巷秋深最愴神
君意一如
秋節序不教芳草得長春

春日偶成

潑眼韶光日正長蝦鬚簾捲燕飛忙
畫樓綠暗
欹楊柳舞榭紅多睡海棠

秋夜

豈花雨足晚生涼林館孤眠怯夜長
自是愁多
不成寐非綠金井有啼螿

席上贈妓

石榴裙子稱纖腰唱徹新聲換玉簫背倚東風
偷拭淚爲誰腸斷爲誰嬌

登樓

爲憐春去不登樓纔上南樓動遠愁滿地落花
紅雨亂接天芳草綠雲稠

秋日書懷

蟬咽庭槐泣素秋幾行新鴈度南樓天邊莫看
如鈎月鈎起新愁與舊愁

朱靜庵

虞姬

力盡重瞳霸氣消楚歌聲裏恨迢迢貞魂化作
原頭草不逐東風入漢郊

竹枝詞二首

西子湖頭賣酒家春風搖蕩酒旗斜行人沽酒
唱歌去踏碎滿堦山杏花

橫塘秋老藕花殘兩兩吳姬蕩槳還驚起鴛鴦
不成浴翩翩飛過白蘋灘

暮春卽事

落花如雪點蒼苔深掩重門晝不開蝴蝶不知
春已去又隨飛絮過墻來

初夏

落盡殘紅日正遲薰風一夜折薔薇池塘雨過
無人到滿地榆錢鶯亂啼

病中作

剔盡寒燈夢不成擁衾危坐到三更不知何處
吹羌笛落盡梅花月滿城

客中卽事

華屋沉沉乳燕飛綠楊深處轉黃鸝踈簾不捲
薰風靜坐看庭花日影移

秋日見蝶

江空木落鴈聲悲霜染丹楓百草萎蝴蝶不知
身是夢又隨秋色上寒枝

閨怨

啼鳥驚回曉夢醒起來無力倚銀屏蛾眉未得
張郎畫羞見東風柳眼青

春蠶

卷十二
交交戴勝屋頭鳴桑葉青青鳥已生女兒守箔
無夜寐切葉喂蠶天欲明

染甲

金盤和露搗晴霞紅透纖纖玉筍芽翠袖籠香
理瑤瑟綠陰新綻海棠花

鄒賽貞

題菊

不共春光鬪百芳自甘籬落傲風霜園林一片
蕭疎景幾朶依稀散晚香

見雪

誰剪仙宮六出花等閒拋散下天涯豐年先兆
冬前白茅屋翻成富貴家

中秋懷壻

銀漢無聲夜夜清良辰忽感宦遊情東山遙望
人千里想亦停杯對月明

潘氏

題劉阮圖

千年古木萬年山洞口仙娥自玉顏劉阮當年

那得見浪傳虛語在人間

夜坐讀周南

獨坐難禁夜色寒
滿窗新月度春殘
臨文徒媿無經濟
只把關雎仔細看

秋詞

翩翩黃葉落江風
月滿池亭秋夜空
黃菊酒香人已醉
白蘋江冷度哀鴻

隨任夜泊晉陵

寒雲薄霧五湖秋
風動蘆花蕩客愁
遙望家山

何處是青天
孤月思悠悠

咏柳二首

烟柳青青葉已齊
半簾紅日小鶯啼
玉樓人靜悲橫笛
惟有東風吹向西

剪剪輕風三月天
如絲楊柳滿庭前
子規驚動深閨夢
起捲朱簾看翠烟

茅氏

賣廢宅

壁有蒼苔甕有塵
家園一旦屬西隣
傷心怕見

門前柳明日猶如陌路人

王素娥

渡錢塘江

風微月落早潮平江國新晴喜不勝試看小舟
輕似葉載將山色過西陵

黃昏

階下蛩吟又暮秋倚欄獨立恨悠悠幾多心事
三年淚忍向珊瑚枕上流

獨愁

黃昏愁聽雨瀟瀟挑盡殘燈夜寂寒針線不拈
腸欲斷薰籠香冷火應消

淮安妓

送春試

淮草青青淮水渾安排輕艣送王孫明年三月
桃花發君聽傳臚妾倚門

邵氏

寄情人

歲暮蕭蕭雨雪多寒威入戶墮金梭忽聞青鳥

傳消息爲問佳期更若何

李玉英

送春

柴扉寂寞鎖殘春
滿地榆錢不療貧
雲鬢衣裳半泥土
野花何事獨撩人

別燕

新巢泥落舊巢欹
塵半踈簾欲掩遲
愁對呢喃終一別
畫堂依舊主人非

馬氏

暮春

紗窗睡起靄朝暉
滿院鶯聲花正飛
閒裏不知因甚事
春來容易送春歸

七夕

靈鵲成橋事有無人
間今夜憶星姑
倚窓坐久愁聲動
一葉西風到碧梧

孫夫人

對雨漫述

宿雨蕭蕭暑氣微
庭花沾濕倍芳菲
故園桃李

今何似凝睇江雲獨倚扉

董夫人

宮詞二首

畫鎖深宮鶴夢遲御階花木接瑤池月明獨照
長生殿無復尊前奉玉卮

西飛紫燕落花多歲歲惟愁老去何別却昭陽
人更遠經年翠輦不曾過

海棠花

小樓風定月初斜紫玉新枝綰落霞睡起不堪

重秉燭春來愁殺海棠花

青蛾居士

村居

數椽竹屋占晴沙展破烟容雲徑賒漫着水沉
拈野月蛩聲淒老白蘋花

陸卿子

塞下曲

塞鴈高飛蘆荻秋朔雲不動動邊愁黃沙千里
行人斷日暮魂消哭隴頭

卷十二
酬范夫人

萬壑松風萬壑秋一聲啼鳥一聲愁
愁心欲寄憑誰寄寄與溪流帶淚流

山中憶范夫人

石壁倒垂霜葉紅一溪流水月明中
月明何處偏生恨江左滇南路不通

病妓

斜倚銀屏罷按歌楚腰纖弱不勝羅
小庭月落花無語脉脉愁聽夜雨多

花燭詞送顧氏姪于飛三首

月照妝樓夜不眠學梳雲髻尚疑偏
細看鏡裏徘徊影重拂鴉黃貼翠鈿

畫檻雕欄綴綺䟽蘭房初試繡裙裾
重開芍藥帷前鏡照見新粧別樣梳

華燭含暉照洞房簫歌聲裏識蕭郎
繁音艷奏教春住看取雙蛾畫更長

贈妓

翡翠爲裙芍藥裾百花深處駐雲車
自將紅葉

閒題字不羨當時薛校書

宮詞

玉樹繽紛落絳英
夜深臺殿起秋聲
君恩何似中天月
一片清光處處明

徐媛

贈金雲卿

錢塘松栢鬱層層
油壁輕車蘇小乘
咲結同心拾香草
更憐明月在西陵

明妃詞

漢曲琵琶馬上彈
含啼絨怨度桑乾
獨憐瀚海千秋月
夜夜嬋娟青塚寒

詠宮人曉粧

迎風紫殿柳煙黃
燕薄簾鈎碎語忙
玉水拂粧穿曉井
碧桐花笑瓦粘霜

宮怨

金屋風吹粉黛香
夜寒高碧見河梁
雙星不向人間照
冷盡梨花白玉牀

竹枝詞

紅袖垂風紫陌東門前斜插碧芙蓉妾從江上
投魚信郎在瀟湘暮雨中

尹氏

梅

東風吹斷朝烟冷老幹窗前出瘦影輕羸玉骨
含霜媚五出迎風粧不整

春曉

曉來孤岫淡拖光欲暗水輪一片藏昨夜狂風
花落盡門前紅雨惹泥香

出日下雪

小雪輕飛點點稀逗日低迴點客衣可憐空作
它鄉淚眼冷腸枯未忍揮

鄭垣妻鄧氏

秋夜聞笛

淒風颯颯滿江城鴈叫霜天月正明永夜蕭條
多少恨不堪更聽斷腸聲

潘仲徽妻陳氏

寄遠

暮雨沉沉不肯休知君今夜宿誰樓可憐楚水
吳山外旅况閨情一樣愁

楊宛

秋懷

獨自支頤獨自愁深情欲語又還羞從來薄命
應如此敢比鴛鴦到白頭

齊錦雲

贈庠士傅春謫戍詩

一呷春醪萬里情斷腸芳草斷腸鶯願將雙淚

啼爲雨明日留君不出城

景翩翩

寄友

蛾眉慵畫鏡情開裙減腰圍自剪裁二十五絃
聲欲斷偏留明月印蒼苔

送張孝廉

柳絲細織曉烟青惻惻春寒長短亭馬度山腰
蹄尚懶濕雲如夢未全醒

王微

賦戲閨人

憶郎此日不曾癡倚閣憑欄應自知挑盡殘膏
無一語背人偷看合歡詩

端淑卿

秋風

月滿簾櫳露滿臺夢驚梧葉下香階都將煩惱暑
潛消盡却恠聲從樹裏來

含笑花

編籬頻護滿臺春着雨和烟色更新含笑不知

緣底事花無常笑有愁人

梅

一樹梅花粉淡勻疎枝帶月伴愁人休吹羌笛
臨清夜只恐寒花不耐春

桂茗

夢依几席度青宵宛轉銀河步鵲橋一入廣寒
花滿座竹壚茶煮桂香飄

惜春

簇簇花枝百鳥喧閒庭風暖獸生煙千金不博

芳菲節碧海雲山又一天

秋夕泊丹湖

秋水茫茫帶白蘋魚舟蟹網集湖濱
長空入暮烟雲起只聽歌聲不見人

閨詞二首

晚粧初罷玉釵橫五夜燈花暗短檠
夢入皇州腸欲斷不禁風雨入砧聲

重門靜鎖長蒼苔片片飛花入鏡臺
愁裏不知春已盡社前飛去燕還來

馬月嬌

和衛生二首

長虹帶映竹邊樓樓外烟光望裏收
一水盈盈人不見數聲腸斷鴈橫秋

憶昔君家在帝鄉如今淮水隔蒼茫
女牛歲合自千載不似人間參與商

薛素素

畫蘭

空谷佳人絕世姿翠羅爲帶玉爲肌
獨憐錯雜

蕭蕭草一段幽香祗自奇

趙今燕

寄陳八玉英時留姑蘇

何處簫聲獨上樓傷心桃葉水空流一從南國
香銷後誰復佳人字莫愁

郝文珠

送張隆父還閩

一曲春風酒一卮渡頭楊柳不開眉從今海路
三千里有夢爲雲到也遲

朝鮮女子

許景樊

登樓

紅欄六曲壓銀河瑞霧霏霏濕翠羅明月不知
滄海暮九疑山下白雲多

遊仙詞十二首

一春間伴玉真遊倏忽西風已報秋仙子不歸
花落盡滿天烟霧月當樓

樓鎖彤雲地絕塵玉妃春淚濕羅巾瑤空月浸

星河影鸚鵡驚寒夜喚人

絳闕夫人別玉皇洞天深閉紫霞房
桃花落盡溪頭樹流水無情賺阮郎

焚香遙夜禮天壇羽駕翻風鶴
竅寒清磬響沉星月冷桂花烟
霧濕紅鸞

香寒月冷夜沉沉笑別嬌妃脫玉簪
更把金鞭指歸路碧城西畔五雲深

冰屋春回桂有花自驂孤鳳出彤霞
山前逢着安期子袖裏携將棗似瓜

烟鎖瑤空鶴未歸桂花陰裏閉珠扉
溪頭盡日神靈雨滿地香雲濕不飛

瑞露微微隔玉虛碧牋偷寫紫皇書
青童睡起捲珠箔星月滿壇花影踈

瓊海漫漫浸碧空玉妃無語倚東風
蓬萊夢覺三千里滿袖啼痕一抹紅

瓊樹扶踈露氣濃月侵簾室影玲瓏
閒催白兔敲靈藥滿白天香玉屑紅

蓬萊歸路海千里五百年來一度逢
花下爲沽

瓊液酒莫教青竹化蒼龍
榆葉飄零碧漢流玉蟾珠露不勝秋靈橋鵲散
無消息隔水空看飲渚牛

塞下曲

都護防秋掛鉄衣城南初解十重圍金戈深盡
單于血白馬天山踏雪歸

宮詞四首

披香殿裏會宮粧新得承恩別作行當座
彈一曲內家令賜綵羅裳

綵羅帷幙紫羅茵香麝霏微暗襲人明日賞花
留玉輦地衣簾額一時新

宮墻處處落花飛侍女燒香對夕暉過盡春風
人不見殿門深鎖綠生衣

鸚鵡新詞羽未齊金龍鎖向玉樓西閑回翠首
依簾立却對君王說隴西

閨情

燕掠斜陽兩兩飛落花撩亂撲羅衣洞房無限
傷春思草綠江南人未歸

映月樓

玉檻秋風露葉清
水晶簾冷桂花明
鸞驂未返銀橋斷
惆悵仙郎白髮生

竹枝詞

永安宮外是層灘
灘上行舟多少難
潮信有時應自至
郎舟一去幾時還

秋恨

絳紗遙隔夜燈紅
夢覺羅衾一半空
霜冷玉籠鸚鵡語
滿階梧葉落西風

李淑媛

謾興贈郎

柳色江頭五馬嘶
半醒半醉下樓時
春紅欲瘦臨妝鏡
試寫纖纖却月眉

自適

虛簷殘溜雨纖纖
枕簟輕寒曉漸添
花落後庭春睡美
呢喃燕子要開簾

秋思

翡翠簾疎不蔽風
新涼初透碧紗櫳
涓涓玉露

團團月說盡秋情草下蟲

七夕

無窮會合豈愁思不比浮生有別離天上却成
朝暮會人間謾作一年期

成氏

楊柳詞二首

楊柳含烟灞岸春年年攀折贈行人東風不解
傷離別吹却低枝掃路塵

青樓西畔絮飛揚烟鎖柔條拂檻長何處少年

鞭白馬綠陰來繫紫遊韉

竹枝詞二首

空舫灘口雨初晴巫峽蒼蒼烟靄平長恨郎心
似潮水早時纔退暮時生

灤東灤西春水長郎舟去歲向瞿塘巴江峽裏
猿啼苦不到三聲已斷腸

鞦韆詞

蹴罷鞦韆整綉鞋下來無語立瑤階蟬衫細濕
輕輕汗忘却教人拾墮釵

俞汝舟妻

楊柳詞二首

條姝織腰葉姝眉怕風愁雨盡低垂黃金穗短
人爭挽更被東風折一枝

按轡營中占一春藏鴉門外翹絲新生憎壩水
橋頭樹不解迎人解送人

步虛詞

九霞裙幅六銖衣鶴背凌風紫府歸瑤海月明
星漢落玉簫聲裏霽雲飛

妓德介氏

送行

琵琶聲裏寄離情怨入東風曲不成一夜高堂
香夢冷越羅裙上淚痕明

權賢妃

高麗人

宮詞

忽聞天外玉笛聲花底徐聽獨自行三十六宮
秋一色不知何處月偏明

王首羣芬苑斜離鬢自許三十六宮

宮商

賀跋入高麗

城羅爵上疑真胆

稟寄嶺計恐人東風曲不效一文高堂

幾許

效蘇公九

名媛彙詩第十三卷目錄

五言律詩

唐

徐蕙

秋風函谷關應詔

長門怨

武氏皇后

同太平公主遊九龍潭

楊容華

臨鏡曉粧

宋若憲

催粧詩

兵士妻

戰袍詩

宜芬公主

歸蕃題虛池驛中屏風

劉淑柔

中秋夜泊武昌

上官婉兒

奉和聖制立春侍宴內殿出剪綵花應制

九月九日上幸慈恩寺登浮圖羣臣上

菊花壽酒

上幸東莊應制

綵書怨

附

遊長寧公主流杯池二十四首

薛瑗

寫真寄外

裴柔之

答外

崔仲容

贈所思

張夫人

春日雪

拾得華氏花鈿以詩寄贈

梁瓊

銅雀臺

李冶

道意寄崔侍郎

寄校書七兄

湖上卧病喜陸鴻漸至

送韓揆之江西

送闔二十六赴剡縣

元淳

寄洛中諸姝

魚玄機

賦得江邊柳

寄國香

寄飛卿

暮春有感寄友人

贈鄰女

酬李郢夏日釣魚面見示

題任處士剡資福寺

早秋
訪趙鍊師不遇

薛濤

酬人雨後翫竹

蜀

翊聖太妃徐氏

謁丈人觀先帝御容

題漢川三學山至夜看聖燈

海印

月夜乘舟

宋

林杜孃

遊碧沼勝居

朱淑貞

春日感懷 傷春

中秋

中秋值雨 獨坐

墨梅

春日有作 春遊西園 夏枕自詠

遊湖歸晚 秋日晚望

中秋夜家宴詠月 中秋翫月

初冬書懷 春半 秋夜感懷

小閣秋日詠雨 秋日得書

除夜 題斗野亭 早秋

侯氏

聞鴈

靈原夫人

中秋

賈蓬萊

閨怨 春曉

李清照

皇帝閣

黃氏

聽琴詩

元

李氏

詠巴家富詩

孫蕙蘭

綠窗遺稿二首

鄭允端

題畫

悼鶴

溫婉

述懷寄人

吟吟

對涪翁

領領

長對貴人

盛效

軒騎

取書

漢武

古今名媛五言律詩卷之十三

閩中鄭文昂季卿甫編輯

唐

徐蕙

秋風函谷關應詔

秋風起函谷朔氣動河山
偃松千嶺上雜雨二陵間
低雲愁廣隰落日慘重關
此時飄紫氣應念真人還

長門怨

名媛彙詩

卷十三

舊愛栢梁臺新寵昭陽殿守分辭芳輦含情泣
團扇一朝歌舞榮夙昔詩書賤頽恩誠已矣覆
水難重薦

武后

同太平公主遊九龍潭

山窗遊玉女澗戶對瓊峰巖頂翔雙鳳潭心倒
九龍酒中浮竹葉杯上寫芙蓉欲驗山家賞唯
有入松風

楊容華

臨鏡曉粧

宿鳥驚眠罷房櫳乘曉開鳳釵金作縷鸞鏡玉
爲臺粧似臨池出人疑向月來自憐方未已欲
去復徘徊

宋若憲

催粧詩

雲安公主貴出嫁五侯家天母親調粉日兄憐
賜花催鋪百子帳待障七香車借問妝成未東
方欲曉霞

名媛彙詩

卷十三

二

兵士妻

戰袍詩

沙場征戍客寒苦若爲眠戰袍經手作知落阿
誰邊蓄意多添線含情更着綿今生已過也重
結後生緣

宜芬公主

歸蕃題虛池驛中屏風

出嫁辭鄉國由來此別難聖恩愁遠道行路泣
相看沙塞容顏盡邊隅粉黛殘妾心何處斷他

日望長安

劉淑柔

中秋夜泊武昌

兩城相對峙一水向東流今夜素娥月何年黃
鶴樓悠悠蘭棹晚渺渺荻花秋無柰柔腸斷關
山總是愁

上官婉兒

奉賀聖制立春侍宴內殿出剪綵花應

制

密葉因裁吐新花逐剪舒攀條雖不謬摘葢詎
知虛春至由來發秋還未肯疎借問桃將李相
亂欲何如

九月九日上幸慈恩寺登浮圖羣臣上

菊花壽酒

帝里重陽節香園萬乘來却邪萸入佩獻壽菊
傳杯塔類承天湧門疑待佛開睿詞懸日月長
得仰昭回

上幸東莊應制

暫爾遊仙第淹留惜未歸霞窗明月滿澗戶白
雲飛書引藤爲架人將薜作衣此真攀翫所臨
睨賞光輝

絲書怨

葉下洞庭初思君萬里餘露濃香被冷月落錦
屏虛欲奏江南曲貪封薊北書書中無別意惟
悵久離居

附

遊長寧公主流杯池二十四首

逐仙賞展幽情踰崑閬訪蓬瀛

遊魯館陟秦臺汚山壁媿瓊瓌

檀欒竹影颺颺松聲不煩歌吹自足怡情

仰循茆宇俯眄喬枝烟霞問訊風月相知

枝條鬱鬱文質彬彬山林作伴松桂爲隣

清波洶湧碧樹冥蒙莫怪留步因攀桂叢

莫論圓嶠休說方壺何如魯館卽是仙都

攀藤招逸客偃桂叶幽情水中看樹影風裏聽

松聲

携琴待叔夜負局訪安期不應留石壁爲記賞

山時

泉石多山趣巖壑寫奇形欲知堪悅耳惟聽水

泠泠

巖壑恣登臨瑩目復怡心風篁類長笛流水當

鳴琴

懶步天台路惟登地肺山幽巖仙桂滿今日恣

情攀

暫遊仁智所蕭然松桂情寄言棲遁客勿復訪

蓬瀛

瀑溜晴疑雨叢篁晝似昏山中真可翫暫請報
王孫

傍池聊試筆倚石旋題詩預彈山水調終擬從
鍾期

橫鋪豹皮褥側岸鹿胎巾借問何爲者山中有
逸人

沁水田園先自多齊梁樓觀更無過倩語張騫
莫辛苦人今從此識天河

參差碧岫聳蓮花潺湲綠水瑩金沙何須遠訪
三山路人今已到九仙家

憑高瞰險足怡心茵閣桃園不暇尋餘雪依林
成玉樹殘雲點岫卽瑤岑

玉環騰遠劄金埒荷殊榮弗翫珠璣飾仍留仁
智情鑿山使作室憑樹卽爲楹公輸與班爾從
此遂韜聲

登山一長望正遇九春初結駟填街衍閭閻滿
邑居闔雪梅先吐驚風柳未舒直愁斜日暮不

畏酒尊虛

霽曉氣清和披襟賞薜蘿玳瑁凝春色琉璃漾
水波鼓石聊長嘯攀松乍短歌除非物外者誰
就此經過

放曠出烟雲蕭條自不羣激流清意腑隱几避
囂紛石畫粧苔色風梭織水紋山室何爲貴惟
餘蘭桂薰

策杖臨霞岫危步下霜蹊志逐深山靜途隨曲
澗迷漸覺心神逸俄看雲霧低莫怪人題樹祇

爲賞幽棲

薛瑗

寫真寄外

欲下丹青筆先拈寶鏡寒已驚顏索寞漸覺鬢
凋殘淚眼描將易愁腸寫出難恐君渾忘却時
展畫圖看

裴柔之

答外

侯門初擁節御苑柳絲新不是悲殊命惟愁別

近親黃鶯遷古木珠履徙清塵想到千山外滄
江正暮春

崔仲容

贈所思

所居幸接隣相見不相親一似雲間月何殊鏡
裏人丹成空有恨腸斷不經春願作梁間燕無
由變此身

張夫人

春日雪

靄靄芳春朝雪絮起青條或值花同舞不因風
自飄過罇浮綠醕拂幌綴紅綃那用持盃翫春
懷不自聊

拾得華氏花鈿以詩寄贈

今朝妝閣前拾得舊花鈿粉汚痕猶在塵侵色
尚鮮曾經纖手製貼向翠眉邊能助千金笑如
何忍棄捐

梁瓊

銅雀臺

歌扇向陵開齊行奠玉杯舞時飛燕列夢裏片
雲來月色空遺恨松聲莫更哀誰憐未死妾掩
袂下銅臺

李冶

道意寄崔侍郎

莫道戀浮名應須薄宦情百年齊旦暮前事盡
虛盈愁鬢行看白童顏學未成無過天竺國依
止古先生

寄校書七兄

無事烏程縣蹉跎歲月餘不知芸閣吏寂寞竟
何如遠水浮仙棹寒星伴使車因過大雷澤莫
忘幾行書

湖上卧病喜陸鴻漸至

昔去繁霜月今來苦霧時相逢仍卧病欲語淚
先垂強勸陶家酒還吟謝客詩偶然成一醉此
外更何之

送韓揆之江西

相看折楊柳別恨轉依依萬里西江水孤舟何

卷十三
處歸湓城潮不到夏口信應稀唯有衡陽鴈年
年來去飛

送閻二十六赴剡縣

流水閭門外孤舟日復西離情遍芳草無處不
淒淒妾夢經吳苑君行到剡溪歸來重相訪莫
學阮郎迷

元淳

寄洛中諸妹

舊國經年別關河萬里思題詩憑鴈翼望月想

蛾眉白髮愁偏覺歸心夢獨知誰憑離亂處掩
泣向南枝

魚玄機

賦得江邊柳

翠色連荒岸烟姿入遠樓影鋪秋水面花落釣
人頭根老藏魚窟枝低繫客舟瀟瀟風雨夜驚
夢復添愁

寄國香

旦夕醉吟身相思又此春雨中寄書使窗下斷

卷十三
賜人山捲珠簾看愁隨芳草新別來清宴上幾
度落梁塵

寄飛卿

堦砌亂蛩鳴庭柯烟露清月中鄰樂響樓上遠
山明珍簟涼風着瑤琴寄恨生稽君懶書札底
物慰秋情

暮春有感寄友人

鶯語驚殘夢輕粧改淚容竹陰初月薄江靜晚
烟濃濕嘴啣泥燕香鬚採蕊蜂獨憐無限思吟

罷亞枝松

贈鄰女

羞日遮羅袖愁春懶起粧易求無價寶難得有
心郎枕上潛垂淚花間暗斷腸自能窺宋玉何
必恨王昌

酬李郢夏日釣魚面見示

住處雖同巷經年不一過清詞勸舊女香桂折
新柯道性欺冰雪禪心笑綺羅跡登霄漢上無
路接烟波

卷十三
題任處士剡資福寺

幽人剡奇境遊客駐行程粉壁空留字蓮宮未
有名鑿池泉自出開徑草重生百尺金輪閣當
川豁眼明

早秋

嫩菊含新彩遠山閉夕煙涼風驚綠樹清韻入
朱絃思婦機中錦征人塞外天鴈飛魚在水書
信若爲傳

訪趙鍊師不遇

何處同仙侶青衣獨在家煖爐留煮藥鄰院爲
煎茶畫壁燈光暗幡竿日影斜慙慙重回首墻
外數枝花

薛濤

酬人雨後翫竹

南天春雨時那鑿雪霜姿衆類亦云茂虚心能
自持多留晉賢醉早伴舜妃悲歲後君能賞蒼
蒼勁節奇

蜀

翊聖太妃徐氏

謁丈人觀先帝御容

共謁御容儀還同在禁闈笙歌喧寶殿彩仗耀
金徽清淚沾羅袂紅霞拂赭衣九疑山水遠無
路斷湘姬

題漢川三學山至夜看聖燈

聖燈千萬炬旋向碧雲生細雨濕不暗好風吹
更明磬敲金地響僧唱梵天聲若說無心法此
光如有情

海印

月夜乘舟

水色連天色風聲益浪聲旅人歸思苦漁叟夢
魂驚舉棹雲先到移舟月逐行旋吟詩句罷猶
見遠山橫

宋

林杜孃

遊碧沼勝居

幽谷泉聲冷鳥啼僧定深好花叢古砌寒瀑發

高岑遊客陸鴻漸居人支道林欲歸青嶂去臨
去復沉吟

朱淑貞

春日感懷

寂寂多愁客傷春二月中惜花嫌夜雨多病怯
東風不禁鶯聲碎那堪蝶夢空海棠方睡足
影日融融

傷春

閣淚拋詩卷無聊酒獨親客情方惜別心事已

傷春柳暗輕籠日花飛半掩塵鶯聲驚蝶夢喚
起舊愁新

中秋

秋來長是病不易到中秋欲賞今宵月須登昨
夜樓露濃梧影淡風細桂香浮莫做尋常看嫦
娥亦解愁

中秋值雨

積葉冷翻堦癡雲暗海涯樓高勞望眼天暝苦
吟懷宛轉愁難遣團圓事未諧四簷飛雨急寂

卷十三
寂坐空齋

獨坐

捲簾待明月拂檻對西風
夜氣涵秋色瑤河度
碧空草根鳴蟋蟀天外叫冥鴻
幾許舊時事今宵誰與同

墨梅

若個龍眠手能傳處士詩
借他牕上影寫作雪中枝
頃刻回春色輕盈動玉卮
不能殷七七橫笛月中吹

春日有作

景近清明節垂楊翠縷長
塞鴻歸朔漠海燕度瀟湘
花麗繁爭錦鶯嬌巧轉簧
西園正明媚收拾入吟鄉

春遊西園

閑步西園裏春風明媚天
蝶疑莊叟夢絮意謝娘
聯踏草青茵軟看花紅錦
鮮徘徊陰影下欲去又依然

夏枕自詠

夏日初長候風孺暑夕眠衣輕香汗透睡重髻
鬟偏顰綠攢眉小啼紅上臉鮮起來無个事纖
手弄清泉

遊湖歸晚

戀戀西湖景山頭帶夕陽禽歸翻竹露果落響
芹塘葉倚風中靜魚遊水底涼半亭明月色荷
氣惱人香

秋日晚望

極目寒郊外晚來微雨收隴頭霞散綺天際月

懸鈎一字新鴻度千聲落葉秋倚欄堪聽處玉
笛在漁舟

中秋夜家宴詠月

九秋三五夕此夕正秋中天意一夜別人心千
古同清光消霧靄皓色遍高空願把團圓盞年
年對兔宮

中秋翫月

獨占秋光盛天工信有偏清暉千里共皓魄十
分圓兔影寒猶弄蟾蜍老更堅只愁看未足一

去又經年

初冬書懷

觸目園池景荷枯菊已荒風寒侵夜枕霜凍怯
晨粧江上風翻赤庭前橘帶黃題詩欲遣悶對
景倍悲傷

春半

拭目凭欄久柔風拂面吹鶯花爭嫵媚詩酒間
清奇已近清明節初過上巳時莫縈尋俗事隨
意樂春熙

秋夜感懷

滿院含秋思蟬輝映一方蛩吟喧曲砌鳥宿傍
回塘木落桐應瘦宵寒漏正長安仁間感慨徒
爾鬢蒼蒼

小閣秋日詠雨

疎雨洗高穹瀟瀟滴井桐潤煙生硯底涼氣入
堂中翠鎖交竿竹紅翻落葉楓撫琴間弄曲靜
坐理商宮

秋日得書

秋風本無意愁思自難禁共月傷千里來書勝
萬金代騶驚北吹越鳥戀南林已有歸寧約何
須惜歲陰

除夜

休歎流光去看看春欲回椒盤捲紅燭栢酒溢
金盃殘臘餘更盡新年曉角吹爭先何物早
有後園梅

題斗野亭

高亭忽登覽豁爾思無窮訪古多遺跡留題有
鉅公地分吳楚界人在斗牛中不是乘槎客那
知此路通

早秋

蕭蕭西風至淒然景驟清雨餘殘暑退日落晚
涼生鷹隼雙眸轉梧桐一葉驚試聽松竹裏萬
籟起秋聲

侯氏

聞鴈

何處驚飛起離離過草堂早是愁無寐忽聞意

轉傷良人沙塞外
羈妾守空房
欲寄回文信
誰能付汝將

靈原夫人

中秋

高秋渾似水
萬里正圓明
玉兔步虛碧
冰輪轉
太清廣寒宮
有路桂子落
無聲吾館無
弦彈
棲
烏莫要驚

賈蓬萊

閨怨

露顆珠團團
冰肌玉釧寒
杏梁棲隻燕
菱鏡掩
孤鸞殘樹枯
黃遍圓荷濕
翠乾綉簾生
畫色窗
下帶羞看

春曉

方池水影薄
曲檻鳥聲嬌
鸞鏡紅綿冷
蛾眉翠
黛消冶容舒
嫩萼幽思結
柔條纖指收
花露輕
將雪粉調

李清照

皇帝閣

日月堯天大璿璣舜曆長或聞行殿帳多是上
書囊莫是黃金篋新除玉局牀春風送庭燎不
復用沉香

黃氏

聽琴詩

拂琴閒素匣何事獨顰眉古調俗不樂正聲公
自知寒泉出澗澁老檜倚風悲縱有來聽者誰
堪繼子期
元

李氏

詠巴家富詩

李氏黨學女也適巴長卿甚貧女亦安之
諸姊妹有適鄒者甚富而笑之遂作巴家
富詩

誰道巴家窘巴家十倍鄒池中羅水馬庭下列
蝸牛燕麥分無數榆錢散不收夜來添驟富新
月掛銀鈎

孫蕙蘭

綠窗遺稿二首

窗裏人初起窗前柳正嬌捲簾衝落絮開鏡見
垂條坐對分金線行防拂翠翹流鶯空巧語倦
聽不須調

小閣烹香茗疏簾下玉鈎燈光翻出鼎釵影倒
沉甌婢捧消春困親嘗散暮愁吟詩因坐久月
轉晚妝樓

鄭允端

題畫

誰寫江南景風煙萬里寬金銀開佛寺紫翠出
林巒遠客馳行役幽人賦考槃蒼茫無限意撫
卷爲盤桓

悼鶴

胎禽成羽化思念每興哀習舞歌玄翮長鳴步
碧苔令威華表遠少保畫圖開何處瘞仙骨碑
銘孰可裁

溫婉

述懷寄人

分手長亭後音書更杳聞離愁應似我况味不
如君玉管寧無恨蘭蓓別有薰攀思共明月心
緒正紛紜

盼盼

對涪翁

嬌憨兒女態孟浪友于情竟以紅顏悞翻將白
髮迎惟知貌自惜難共意同傾語及生華事愁
懷鎮日撻

名媛彙詩第十四卷目錄

五言律詩

明

朱靜庵

平望舟中卽事

客中偶成

鄒賽貞

傷春

病中和子充韻

官邸寄妹

陳氏

春草

舟行

夏日偶成

馬氏

苦雨

孫夫人

咏梅

聞笛

關山月

雪霽

徐媛

家園對雪

飲山莊

戲贈表妹合歡詩

酬趙夫人前韻二首

陸卿子

山居卽事二首

閒居卽事

青峨居士

春夜

董夫人

送別三首

景翩翩

宿虹橋紀夢

王微

永啟友夏入法相予以他事未得隨從
賦此志愧

端淑卿

隋柳

蛾眉山

雨

偶成

聞促織

太白樓

尹氏

編目中所見花木為句

偶成

許景樊

朝鮮四人

效李義山體

效沈亞之體

寄女伴

俞汝舟妻

別贈

李淑媛

歸來亭

成氏

書懷次叔孫兄弟

五言排律

唐

徐蕙

賦得北方有佳人

宋若昭

奉和御製麟德殿燕百僚

宋若憲

奉和御製麟德殿燕百僚

上官婉兒

春和三會寺應制

鮑君微

奉和御製麟德殿宴百寮應制

薛元曖妻林氏

送男彥輔左貶

魚玄機

遣懷

寄劉尚書

蜀

順聖太后徐氏

題漢州三學山至夜看聖燈

明

陸卿子

贈桐城吳參知夫人

徐媛

贈美人

古今名媛五言律詩卷之十四

閩中鄭文昂季卿甫編輯

明

朱靜菴

平望舟中卽事

獨坐蓬窗下挑燈話別離
旋沽平望酒細味峽川詩
遠寺鍾聲動孤村月上遲
含愁緘尺素慰我北堂思

客中偶成

異鄉久爲客風雨阻歸程兩岸數峰碧孤舟一
羽輕蓬窗殘燭在烟樹早鴉鳴坐待東方曙依
稀見海城

鄒賽貞

傷春

誰憐情思苦鎮日掩柴扉紫燕依梁語殘花帶
雨飛懶眠翡翠幙愁織鴛鴦機春色重相見遠
人猶未歸

病中和子充韻

減圍嗟病體無意理絲縑披褐窻前坐移書膝
上拈久忘糜肉味惟喜菜根甜香燼金壚處童
孫代手添

官邸寄妹

封緘憑鴈寄多病尚纏綿寒粟侵肌玉秋蓬亂
鬢蟬鄉書猶未達肉骨自相牽何日歸寧處燃
燈話少年

陳氏

春草

無人種春草隨意發芳叢綠遍郊原外青回遠
近中罩烟粘落絮和雨襯殘紅不解王孫去
淒淒對晚風

舟行

夜過平望驛孤舟涉曉行雲迷張翰宅烟障闔
間城纜引崑花落帆張溪鳥行要識吳中趣須
聽款乃聲

夏日偶成

庭竹綠交加虛窗映碧紗盆栽金線草臺長玉

簪花雨過留殘日雲歸帶晚霞未能消暑悶閒
步聽池蛙

馬氏

苦雨

終日雨翻盆愁人欲斷魂嶺雲生屋角野水沒
籬根楊柳深藏徑梨花靜掩門聲聲偏入耳寂
寞自朝昏

孫夫人

咏梅

昨夜春初動江梅綻早芳翠枝懸玉蕊素艷晃
寒光帶月摘踈影隨風遞暗香最堪調鼎鼐畱
取薦明堂

聞笛

何方吹玉笛夜靜感人深月向山頭隱龍來水
底吟暗飛落梅曲巧作斷腸音羈旅那堪聽思
歸不可禁

關山月

漢京今夜月萬里照關山秋葉仍看落征人尚

不還寒光凝厚甲孤影對愁顏懽宴高樓者笙
歌正未閒

雪霽

竟夕大飄雪同雲翳遠空曉來看霽色光彩映
簾櫳素渚迷寒鴈瑤圖入畫工東山明月上疑
在玉壺中

徐媛

家園對雪

綠野彤雲合排空素練沈壁姿溶曉色瑞氣覆

蘭心過鴈驚天遠游魚潛浦深梁園傲清賞慷
慨激高吟

飲山莊

霽色映明沙江流帶夕霞山光籠橘柚波影動
蒹葭葉底歌聲溜花前舞袖斜怡情坐來久扈
酒正交加

戲贈表妹合歡詩

畫羅飄幌額毳帳鬱金床屏葉雕雲母樓心掛
月璫避風臺影翠蓮步襪生芳有壻恒爲伴携

來花下觴

酬趙夫人前韻二首

嶺猿啼日暮客思大江秋夢破鄉關月魂消客
路愁玄霜飛翠髮花塢記春遊長干風雨夜淚
共楚雲流

花落三春別重來柳色依野薇循麓散香雨逗
烟飛傍石叅仙子乘槎叩羽衣也知雙鬢影應
與昔時非

陸卿子

山居卽事二首

青冥色不斷回合勢難分
石室藏丹粟蘿房起白雲
鳥飛天影外泉響隔林聞
澹蕩波光裏煙霞歛夕曛

樹色千重碧谿深萬壑流
鳥啼花鳴暖楓落石門秋
稚子聽清楚佳人上畫樓
祇緣探法藏不是覓丹丘

閑居卽事

閉門聊自適陋巷薜蘿深
柳色曉春鳥波光澹夕陰
落華閑覆地空靄靜依林
若問幽棲意牀頭有素琴

青蛾居士

春夜

斗帳清宵永寒餘愁自生
夢迷春思杳帳冷夜吟醒
錦瑟聲中淚梅花別後情
烟雲不可極殘月欲三更

董夫人

送別三首

相看疑是夢別恨好誰知驛路花將發離亭柳
澆垂淺渚孤舟泊深山匹馬遲凭闌無個事日
日數歸期

飛盡楊花別相看不自由征人望絕塞少婦倚
空樓易換春前色難聽角裏愁無情江上水日
日送行舟

紉蘭輕解珮萬里別南征岐路雲山合深閨歲
月驚朱顏愁裏變白髮夢中生日暮天涯望行
人隔幾程

景翩翩

宿虹橋紀夢

夢境還堪憶虹橋的可疑豈因填鵲至重與牽
牛期落月穿帷淨淒風入夜悲無端角枕上薄
命訴蛾眉

王微

永啟友夏入法相予以他事未得隨從
賦此志愧

聞道宗雷伴幽尋古寺中衣香連霧出杖影落

山空題就一林葉談生衆壑風差池無翼去共
聽晚烟鍾

端淑卿

隋柳

煬帝堤邊柳凋零幾度秋蟬聲悲故國鶯語怨
墟垣行殿堪何在空江水自流行人休折盡折
盡更生愁

蛾眉山

東南山秀麗王孫樂此遊絕壁懸京口奔流下

石頭漁樵雙岫火鴻鴈一聲秋捉月人何在依
依月滿樓

雨

急雨何來驟風驅過石城一天炎暑散薄暮悄
寒生砧杵深閨怨關山遠戍情何當洪水日瀝
瀝向簷鳴

偶成

木老秋容淡鶯啼孰忍聞封書遲未達情緒不
堪云窗疎斜度日山缺亂浮雲韶華怯風雨桐

葉落紛紛

聞促織

促織何悲切
虛堂徹夜鳴
草枯苔砌滑
露冷月華鳴
不諳閨闈怨
空驚旅邸情
年年愁聽汝
鬢髮雪霜生

太白樓

雲裏謫僊樓
寂寞俯江洲
氣壓雙峰小
清通一水流
錦袍還照映
明月自沉浮
不盡王孫怨
年年動客愁

尹氏

編目中所見花木爲句

風輕曉日融
溟漠柳烟中
杏老含霜白
桃新照水紅
橫窗修竹影
斜壁海棠空
樓外一天雪
梨花千樹叢

偶成

輕風敲竹韻
粉蝶鬪花飛
芳樹鋪烟軟
老梅帶子稀
家從別久憶
魂是夢中歸
一半春容去
何復試羅衣

許景樊 朝鮮四人

效李義山體

鏡暗鸞休舞梁空燕不歸香殘蜀錦被淚濕越
羅衣驚夢迷蘭渚輕雲落粉闌西江今夜月流
影照金微

效沈亞之體

遲日明紅榭晴波歛碧潭柳深鶯睨院花落燕
呢喃泥潤埋金履鬟低膩玉成銀屏錦茵暖春
色夢江南

寄女伴

結廬臨古渡日見大江流鏡匣鸞將老花園蝶
已秋寒山新過鴈暮雨獨歸舟一夕紗窗閉那
堪憶舊遊

俞汝舟妻

別贈

恨別逾三歲衣裘獨禦冬秋風吹短鬢寒鏡入
衰容旅夢風塵際離愁關塞重徘徊思遠近流
歎滿房櫳

李淑媛

歸來亭

解綬歸來早亭開一水分溪山知有主鷗鷺得
爲羣秫熟先充釀心閒欲化雲菟裘終老地非
是傲徵君

成氏

書懷次叔孫兄弟

事隨流水遠愁逐曉春生野色開烟綠山光過
雨明簾前雙燕語林外數鶯聲獨坐無多興傷

心粧不成

五言排律

唐

徐惠

賦得北方有佳人

由來稱獨立本是號傾城柳葉眉間發桃花臉
上生腕搖金釧嚮步轉玉環鳴織腰宜寶袜紅
衫艷織成懸知一顧重別覺舞腰輕

宋若昭

奉和御製麟德殿燕百僚

垂衣臨八極肅穆四門通自是無爲化非關輔
弼功修文招隱伏尚武殄妖兇德立韶光熾恩
沾雨露濃衣冠陪御燕禮樂盛朝宗萬壽觴朝
日千年信一同

宋若憲

奉和御製麟德殿燕百僚

端拱承休命時清荷聖皇四聰聞受諫五服遠
朝王景媚暄初轉春殘日正長御筵多濟濟盛

樂復鏘鏘艷鎬誰能敵橫汾未可方願齊山
壽福祉永無疆

上官婉兒

春和三會寺應制

釋子談經處軒臣刻字留故臺遺老識殘簡聖
君求駐蹕懷千古開襟望九州四山綠塞合三
水夾城流宸翰陪瞻仰天杯接獻酬太平詞藻
盛長願紀鴻休

鮑君微

奉和御製麟德殿宴百寮應制

睿澤光寰海功成展武韶
戈鋌清外壘文物盛中朝
聖祚山河固宸章日月昭
玉筵鸞鵠集仙管鳳凰調
御柳新低綠宮鶯乍轉嬌
願承億兆慶千祀奉神堯

薛元曖妻林氏

送男彥輔左貶

他日初投杼勤王在隱兵
有辭期不罰積意許相仍
謫宦今何在銜冤猶未勝
天涯分越徼驟

騎速毗陵腸斷復何苦
書傳寫豈能淚添江水
遠心劇海雲蒸明月珠
難識甘泉賦可稱但將
忠報主何懼點青蠅

魚玄機

遣懷

閒散心無事風光獨自遊
斷雲江上月解纜海中舟
琴弄蕭梁寺詩吟庾亮樓
叢篁堪作伴片石好爲儔
燕雀徒爲貴金銀志不求
滿林春雨綠對月夜琴幽
遠砌澄清沼抽簪映細流
臥牀

書冊遍半醉起梳頭

寄劉尚書

八座鎮雄帥謠謠滿路新汾州三月雨晉水百花春
囹圄長空鎖干戈久覆塵儒僧觀子夜羈客醉紅茵
筆硯行隨手詩書坐遶身小才多顧盼得作食魚人

蜀

順聖太后徐氏

題漢州三學山至夜看聖燈

虔禱遊靈境元妃夙志同玉香焚靜夜銀燭炫
遼空泉漱雲根月鐘敲檜杪風印金標聖迹飛
石顯神功滿望江淮極臨西日脚紅猿來齋室
上僧集講筵中頓覺超三界渾疑證六通願成
修偃事社稷保延洪

明

陸卿子

贈桐城吳參知夫人

久厭寰中賞能循世外觀提攜諸弱子出沒幾

回湍迴岸煙光曉平林月照寒輪虛光映桂花
滿夢徵蘭邀壻偕新寵還家避舊歡蒲沙明瑞
日驛路駕層巒法雨江村遍曇花帝里看晝談
雲鴈塔宵夢繞池欄綺閣爲蘭若玄言解梵壇
有情皆釋縛無地卻行難境展曾移嶽江回更
蹙瀾彌流敷菡萏匝野植旃檀灑落香還染葳
蕤葉詎殘因風思婉轉撫景佇游盤愧我猶埋
跡遲君未假翰沈吟終日夕惆悵暮雲端

徐媛

贈美人

巧笑弄明璫含嬌出洞房裁金粘粉靨拂鏡寫
鴉黃寶帳藏秋月金壚裊夕香鴛鴦籠翠帶蘭
麝染羅裳倭墮梁家髻梅花帝子妝輕盈妬羅
女窈窕屬王昌漫理將雛曲閒調陌上桑鳴琴
坐文石幽響發清商

文口幽響發青商

女懷柔風王昌曼聖絲織曲間騰印上采郎琴

朝雲暮雨染芳容重翠羽香賦芬帝子娥神盈破羅

醉黃黃瘦對漁林日金盞曼曼香鸞鸞翳翠帶帶蘭

西笑美目賦合融出風長蕊金桂傑那那壯強寫

美人

名媛彙詩第十五卷目錄

七言律詩

唐

長孫后

遊春曲

鮑君微

東亭茶燕

侯氏

繡迴文龜形詩

名媛彙詩

目錄卷十五

孟昌期妻孫氏

聽琴

崔仲容

贈歌妓

魚玄機

賣殘牡丹

閨怨

冬夜寄溫飛卿

和友人次韻

秋思

過鄂州

暮春卽事

和人

次人韻

浣紗廟

情書寄子安

次韻西鄰新居兼乞酒

和新及第悼亡詩

打毬作

又寄子安

夏日山居

薛濤

謁巫山廟

寄舊詩與微之

牡丹

萊兒

酬天水光遠

蜀

崇嘏

辭蜀相妻女

順聖太后徐氏

謁丈人觀先帝御容

翊聖太妃徐氏

題金華館

題彭州陽平池

宋

朱淑貞

春霽

春晴

送人赴試

九日

賀人移學東軒

立春

新春

晴和

春陰二首

問春

仲春書事

春日即事

春詞二首

梨花

海棠

荼蘼

柳絮

瑞香

除夜

傷別

晚春會東園

暮春三首

恨春四首

元夜二首

膏雨

惜花
聞子規有感

青蓮花
燈花
得家嫂書

早春喜晴卽事
春日書懷

春日雜興
荷花

許氏

投鄭毅夫

錢氏

題壁間

盼盼

新春
倦綉有感

杜氏

題驛亭

戴伯齡

寄林士登二首

易祓妻

對雪

賈蓬萊

閨情

遼

蕭瑟瑟

詠史

元

王氏

題清風嶺

何氏

裂帛詩

鄭允端

追和虞伯生城東看杏花韻

胡妙端

題壁上

蘭氏

題壁間

万侯蕙柔

題壽沙驛壁

葉正甫妻劉氏

製衣寄外

徐氏女

途中怨

蘇小卿

題金山寺壁

古今名媛七言律詩卷之十五

閩中鄭文昂季卿甫編輯

唐

長孫后

遊春曲

上苑杏花朝日明
蘭閨艷曲運春情
井上新桃偷面色
簷邊嫩柳學身輕
花中去來看舞蝶
樹上長短聽流鶯
林下何須遠借問
出衆風流舊有名

鮑君微

東亭茶燕

閑朝向晚出簾櫳
茗燕東亭四望通
遠眺城池山色裏
俯聆絃管水聲中
幽篁引沼抽新翠
芳槿低簷欲吐紅
坐久此中無恨興
更憐團扇起秋風

侯氏

繡迴文龜形詩

睽離已是十秋強
對鏡那堪重理粧
聞鴈幾回修尺素
見霜先爲製衣裳
開箱疊練先垂淚
拂杵調砧更斷腸
繡作龜形獻天子
願教征客早還鄉

孟昌期妻孫氏

聽琴

玉指朱絃軋復清
湘妃愁怨竄難聽
初疑颯颯涼風勁
又似蕭蕭暮雨零
近若流泉來碧嶂
遠如玄鶴下青冥
夜深彈罷堪惆悵
霧濕叢蘭月滿庭

崔仲容

贈歌妓

水剪雙眸霧剪衣當筵一曲媚春輝
瀟湘夜色怨猶在巫峽曉雲愁不飛
皓齒乍分寒玉細黛眉輕蹙遠山微
渭城朝雨休重唱滿眼陽關客未歸

魚玄機

賣殘牡丹

臨風興嘆落花頻芳意潛消又一春
應爲價高

人不問却緣香甚蝶難親紅英只稱生宮裏翠
葉那堪染露塵及至移根上林苑王孫方恨買
無因

閨怨

靡蕪盈手泣斜暉聞道鄰家夫壻歸別日南鴻
纔北去今朝北鴈又南飛春來秋去相思在秋
去春來信息稀扇閉朱門人不到砧聲何事透
羅幃

冬夜寄溫飛卿

名媛彙詩

卷十五

苦思搜思燈下吟不眠長夜怕寒衾滿庭木葉
愁風起透幌紗窗惜月沉疎散未閑終遂願盛
衰空見本來心幽棲莫定梧桐處暮雀啾啾空
遶林

和友人次韻

何事能消旅館愁紅牋開處見銀鈎蓬山雨灑
千峯小嶰谷風吹萬葉秋字字朝看輕碧玉篇
篇夜誦在衾裯欲將香匣收藏却且惜時吟在
手頭

秋思

落葉紛紛暮雨和朱絲獨撫自清歌放情休恨
無心友養性空拋苦海波長者車音門外有道
家書卷枕前多布衣終作雲霄客綠水青山時
一過

過鄂州

柳拂蘭橈花滿枝石城城下暮帆遲折碑峯上
三問墓遠火山頭五馬旗白雪調高題舊寺陽
春歌在換新詞莫愁竟逐清江去空使行人萬

首詩

暮春卽事

深巷窮門少侶儔
阮郎唯有夢中留
香飄羅綺誰家席
風送歌聲何處樓
街近鼓鞀喧曉寢
庭閒鶻語亂春愁
安能追逐人間事
萬里身同不繫舟

和人

茫茫九陌無知己
暮去朝來典綉衣
寶匣鏡昏蟬鬢亂
博山爐煖麝烟微
多情公子春留句
少

思文君晝掩扉
莫惜羊車頻列載
柳絲梅綻正芳菲

次人韻

喧喧朱紫雜人寰
獨自清吟月色閒
何事玉郎搜藻思
忽將瓊韻扣柴關
白花發詠慚稱謝
僻巷深居謬學顏
不用多情欲相見
松蘿高處是前山

浣紗廟

吳越相謀計策多
浣紗神女已相和
一雙笑靨

纔回百十萬精兵盡倒戈
范蠡功成身隱遁
伍胥諫死國消磨
只今諸暨長江畔
空有青山號
苧蘿

情書寄子安

飲冰食菜志無功
晉水壺關在夢中
秦鏡欲分愁墮鵲
舜琴將弄怨飛鴻
井邊桐葉鳴秋雨
窗下銀燈暗曉風
書信茫茫何處問
持竿盡日碧江空

次韻西鄰新居兼乞酒

一首詩來百度吟
新晴字字又聲金
西看已有登垣意
遠望能無化石心
河漢期踪空極目
瀟湘夢斷罷調琴
况逢寒節添鄉思
叔夜佳醪莫獨斟

和新及第悼亡詩

仙籍人間不久留
片時已過十經秋
鴛鴦帳下香猶暖
鸚鵡籠中語未休
朝露綴花如臉恨
晚風欹柳似眉愁
彩雲一去無消息
潘岳多情欲白頭

打毬作

堅圓淨滑一星流月杖爭敲未擬休無滯礙時
從撥弄有遮攔處任鈎留不辭宛轉長隨手却
恐相將不到頭畢竟入門應始了願君爭取罷
前籌

又寄子安

醉別千卮不浣愁離腸百結解無由蕙蘭銷歇
歸春圃楊柳東西絆客舟聚散已悲雲不定息
情須學水長流有花時節知難遇未肯厭厭醉

玉樓

夏日山居

移得仙居此地來花叢自遍不曾栽庭前亞樹
張衣桁坐上新泉泛酒杯軒檻暗傳深竹徑綺
羅長擁亂書堆閒乘畫舫吟明月信任輕風吹
却回

薛濤

謁巫山廟

亂猿啼處訪高唐路入烟霞草木香山色未能

忘宋玉水聲猶似哭襄王朝朝夜夜陽臺下爲
雨爲雲楚國亡惆悵廟前多少柳春來空闔盡
眉長

寄舊詩與微之

詩篇調態人皆有細膩風光我獨知月夜詠花
憐暗淡雨朝題柳爲歎垂長教碧玉藏深處總
向紅箋寫自隨老大不能收拾得與君開似教
男兒

牡丹

去春零落暮春時汨濕紅箋怨別離常恐便同
巫峽散因何重有武林期傳情每向馨香得不
語還應彼此知只欲欄邊安枕席夜深聞共說
相思

萊兒

酬天水光遠

長者車塵每到門長卿非慕卓王孫定知羽翼
難隨鳳却喜波濤未化鯤嬌別翠鈿粘去袂醉
歌金雀碎殘樽多情多病年應促早辦名香爲
名媛彙詩

返魄

蜀

崇嘏

辭蜀相妻女

一辭拾翠碧江湄
貧守蓬茅但賦詩
自服藍衫居郡椽
永拋鸞鏡畫蛾眉
立身卓爾青松操
挺志堅然白壁姿
幕府若容爲坦腹
願天速變作男兒

順聖太后徐氏

謁丈人觀先帝御容

千尋綠嶂夾流溪
登眺應知海岳低
瀑布迸春青石碎
輪茵橫剪翠峯齊
步粘苔蘚龍橋滑
目閉烟蘿鳥徑迷
莫道穹天無路到
此山便是碧雲梯

翊聖太妃徐氏

題金華館

碧雲紅霧撲人衣
宿路沾苔石徑危
風巧解吹松上曲
蝶嬌頻采臉邊脂
同尋僻徑思携手
暗

指遙山學畫眉好把身心清淨出角冠霞帔事
希夷

題彭州陽平池

雲浮翠輦屆陽平真似駮鸞到上清風起半厓
聞虎嘯雨來當面見龍行晚尋水澗聽松韻夜
上星壇看月明長恐前身居此境玉堂教向錦
城生

宋

朱淑貞

春霽

淡淡輕寒雨後天柳絲無力帶朝烟弄晴鶯舌
於中巧着雨花枝分外妍消破舊愁憑酒釵去
除新恨賴詩篇年年來到梨花月瘦不勝衣怯
杜鵑

春晴

日暖風和明媚天竄宜吟詠入詩篇庭花吐蕊
紅如錦岸柳飛絲白似綿深院雕梁巢燕返高
林喬木谷鶯遷韶光正近清明節花塢樓臺酒

旆懸

送人赴試

春闈報罷已三年又向西風促去鞭屢鼓莫嫌
非作氣一飛當自卜冲天賈生少達終何遇馬
援才高老更堅大抵功名無早晚平津今見起

菑川

九月

去年九月愁何限重上心來益斷腸秋色夕陽
俱淡薄閨情離思總淒涼征鴻有序全無信黃

菊多情更有香自覺年來清瘦了懶將鸞鏡照
容光

賀人移學東軒

一軒瀟洒正東偏屏弃囂塵聚簡編美璞莫辭
雕作器涓流終見積成淵謝班難繼予慚甚顏
孟堪希子勉旃鴻鵠羽儀當養就飛騰早晚看
冲天

立春

停杯不飲待春來和氣先春動六街生菜乍挑

宜捲餅羅幡旋剪稱聯釵休論殘臘千重恨管
入新年百事諧從此對花并對景盡拘風月入
詩懷

新春

樓臺影裏蕩春風協氣融怡物物同草色乍翻
新樣綠花容不減舊時紅鶯唇小巧輕烟裏蝶
翅輕便細雨中聊把新詩記風景休嗟萬事轉
頭空

晴和

海棠深院雨初收苔徑無風蝶自由百結丁香
誇美麗三眠楊柳弄輕柔小桃酒膩紅尤淺芳
草寒餘綠漸稠寂寂朱簾歸燕未子規啼處一
春愁

春陰二首

薄雲籠日弄輕陰試與詩工畧話春蠢爾綠楊
初績線蒙茸碧草漸成茵園亭深寂撩私恨山
水昏明惱暗顰芳意被他寒約住天應知有惜
花人

陡覺湘裙剩帶圍情懷常是被春欺半簷落日
飛花後一陣輕寒微雨時幽谷想應鶯出晚舊
巢却怪燕歸遲問關幾許傷懷處悒悒柔情不
自持

問春

春到休論舊日情風光還是一番新鶯花有恨
偏供我桃李無言祇惱人粉泪洗乾清瘦面帶
圍寬褪小腰身東君負我春三月我負東君三
月春

仲春書事

乍暖還寒二月天釀紅醞綠鬪新鮮日烘春色
成和氣風弄花香作瑞烟鶯舌似簧初學語柳
條如線未飛綿金杯滿酌黃封酒欲勸東君莫
放權

春日卽事

輕寒噤瘁花期晚皺綠差鱗接遠波躍藻白魚
翻玉尺穿林黃鳥度金梭閑將詩草臨軒讀靜
聽魚船隔岸歌盡日倚窗情脈脈眼前無事奈

春何

春詞二首

屋噴柳葉噪春鴉
簾幙風輕燕翅斜
芳草池塘初夢斷
海棠庭院正愁加
幾聲嬌巧黃鸝舌
數朵柔纖小杏花
獨倚小窗梳洗倦
自慚辜負好年華

屈指清明數日期
紛紛紅紫競芳菲
池塘水暖鶉鶉並
巷陌風輕燕燕飛
柳帶萬條籠淑景
遊絲千尺舞晴暉
人間何處無春色
祇是西樓人未歸

未歸

梨花

朝來帶雨一枝春
薄薄香羅蹙蕊勻
冷艷未饒梅共色
靚粧長與月爲鄰
許同蝶夢還如蝶
似替人愁却笑人
須到年年寒食夜
情懷爲你倍傷神

海棠

胭脂爲臉玉爲肌
未赴春風二月期
曾比溫泉妃子睡
不吟西蜀杜陵詩
桃羞艷冶頻回首
柳

如妖嬈祗皺眉燕子欲歸寒食近黃昏庭院雨
絲絲

荼蘼

花神未怯春歸去故遣仙姿殿後芳白玉體輕
蟾魄瑩素紗囊薄麝臍香夢思洛浦嬋娟態愁
記瑤臺淺淡粧勾引詩情清絕處一枝和雨在
東墻

柳絮

繚繞晴空似雪飛悠揚不肯着塵泥花邊輕軟
粘蜂翅陌上顛狂趁馬蹄貼水化萍隨浪遠舞
風無影度墻低成團作陣愁春盡故把東君歸
路迷

瑞香

玲瓏巧蹙紫羅囊今得東君着意粧帶露欲開
宜曉日臨風微困怯春霜發揮名字來雕輦彈
壓芳菲入醉鄉最是午窗初睡醒重重贏得夢
魂香

窮冬欲去尚徘徊，獨坐頻斟守歲杯。
一夜臘寒隨漏盡，十分春色被朝來。
桃符自寫新翻句，玉律誰吹定等灰。
且是作詩人未老，換年添歲莫相催。

傷別

覽鏡驚容却自嫌，逢春長盡病恹恹。
吹花弄粉新來懶，惹恨供愁舊日添。
生怕子規聲到耳，苦羞雙燕影穿簾。
眉頭眼底無他事，須信離情一味嚴。

晚春會東園

紅點苔痕綠滿枝，舉杯和淚送春歸。
鷓鴣有意留殘景，杜宇無情叫落暉。
蝶翅殘花盤地舞，燕隨狂絮入簾飛。
醉中曾記題詩處，臨水人家半掩扉。

暮春三首

纔過清明春意殘，落花飛絮便相關。
啣泥燕子時來去，釀蜜蜂兒自往還。
風靜窗前榆葉茂，雨餘墻角蘚苔斑。
綠槐高柳濃陰合，深院人眠白

畫閑

碧沼荷錢小葉圓眼前芍藥恣連顛清明已過
三春候穀雨初晴四月天乍着薄羅偏覺瘦懶
勻松粉祇宜眠情知廢事因詩句氣習難除筆
硯緣

舉杯無語送春歸分付東風欲去時燕子樓臺
人寂寂梨花庭院雨絲絲枝頭添翠鶯先覺葉
底銷紅蝶未知詩卷酒杯新廢却閑愁消遣殢
他誰

恨春四首

飛李芬菲爾許時苦無佳句紀相思春光雖好
多風雨恩愛方深柰別離淚眼謝他花繳抱愁
懷惟賴酒扶持鶯鶯燕燕休相笑試與單棲各
自知

病酒厭厭日正高一聲啼鳥在花梢驚回好夢
方萌蕊喚起新愁却破苞暗把後期隨處記閑
將清恨倩詩嘲從今始信恩成怨且與鶯花作
淡交

卷十五
遲遲花日上簾鈎盡日無人獨倚樓蝶使蜂媒
傳客恨鶯梭柳線織春愁碧雲信斷惟勞夢紅
葉成詩想到秋幾許別離多少淚不堪重省不
堪流

一篆烟銷繫臂香閑看書冊就牙床鶯聲冉冉
啼深院柳色陰陰暗畫牆眼底落紅千萬點臉
邊新淚兩三行梨花細雨黃昏後不是愁人也
斷腸

元夜二首

月滿今宵霽色澄深沉簾幕管絃清誇毫鬪彩
連仙館墜翠遺珠滿帝城一派笑聲連鼓吹六
街燈火樂昇平歸來禁漏踰三四窓上梅花瘦
影橫

壓塵小雨潤生寒雲影澄鮮月正圓十里綺羅
春富貴千門燈火夜嬋娟香街寶馬嘶瓊轡輦
路輕輿響翠輶高掛危簾凝望處分明星斗下
晴天

膏雨

添得垂楊色更濃飛烟卷霧弄輕風展勻芳草
茸茸綠濕透天桃淡淡紅潤物有情如着意滋
花無語自施工一犁膏脈分春隴足慰農桑望
眼中

惜花

生情賦得春心性刺選名花遶砌栽客到且宜
供客興詩慳聊可助詩才低叢高架隨時有淺
紫深紅次第開便做卽今風雨限要看香艷綉
蒼苔

聞子規有感

花落花開事可悲等閑一醉失芳菲園林初聽
鶯聲細庭徑俄看蝶粉稀欹枕夜深無夢到倚
樓天外有神飛我無雲翼飛歸去杜宇能飛却
不歸

青蓮花

淨土移根體性殊笑他紅白費工夫幽姿羞損
嬋娟女異色孤芳瀲灩湖顧影有情欺水荇向
人無語鄙風蒲一枝遙動清香遠幾許詩牋與

畫圖

燈花

蘭缸和氣散氤氳忽作元珠吐穗新膏脈破芽
非藉手敷芳成艷不開春疑猜海角天涯事攪
亂衾寒枕冷人我欲生憐心焰上何妨好客致
清貧

得家嫂書

聲聲喜報鵲溫柔忽接芳緘自便郵一尺溪藤
摘錦帶數行香墨健銀鈎傾心吐盡重重恨入

眼翻成字字愁添得情懷無是處非干病酒與
悲秋

早春喜晴卽事

山明雪盡翠嵐深天濶雲開斷翳陰漠漠暖烟
生草木薰薰和氣動園林詩書遣興消長日景
物牽情入苦吟金鴨火殘香閣靜更調商羽弄
瑤琴

春日書懷

從宦東西不自由親幃千里淚長流已無鴻鴈

傳家信更被杜鵑送客愁日暖鳥歌空美景花
光柳影謾盈眸高樓惆悵凭欄久心逐白雲南
向浮

春日雜興

窈窕風光絕艷春無言桃李一番新青回野燒
草初染光汎幽香蘭可紉官柳欲眠多態度海
棠貪睡足精神舊遊似夢渾情懶對景無聊愁
殺人

荷花

暑氣炎炎正若焚荷花於此見天真香房馥郁
隨風折笑臉天燒映水新聞葉淺深殷似點滿
池繁媚麗於春年年占得餘芳在幾見當時步
步人

許氏

投鄭毅夫

明時樂事輸詩酒帝里風光剩占春况是白衣
重得侶不堪青旆自招人早知玉漏催三鼓不
把金貂換百巡大抵仁人憐氣類肯教詩客作

囚身

錢氏

題壁間

落日西風照楚關，斷魂殘魄弔哀顏。
自從鴻鴈分飛後，無復鴛鴦並枕間。
腕玉瘦寬金縷袖，鬢蟬慵掠翠雲鬟。
鮫綃裊遍相思淚，眉黛無心畫遠山。

盼盼

新春

十二欄干鎖畫樓，春風吹損上簾鉤。
花心柳眼從教放，蝶意蜂情一任休。
好滯酒杯消舊恨，禁持詩句遣新愁。
東君若也憐孤獨，莫使韶光便似秋。

倦綉有感

坐綉日高花影移，天涯人忽動遐思。
珠珠淚似針紉處，寸寸腸如線結時。
欲困分明非酒使，沉吟端的是心痴。
鴛鴦一對團花巧，解語應須爲我悲。

杜氏婦

題驛亭

江淮婦女別鄉間一似昭君遠嫁胡默默一身
辭故國區區千里逐狂夫慵拈簫管吹羌笛懶
繫羅裙舞鷓鴣多少眼前悲淚事不如花柳日
江都

戴伯齡

寄林士登二首

憶昔當初錯認君妾今輕賤染紅塵雲情雨意

渾如夢海誓山盟總不真柳毅不傳空口信王
魁元是負心人好花自有闌干主亂蝶狂蜂在
費神

與君結髮未知心別後如何絕信音枕上相思
情默默閨中渴想意沉沉遣懷窗下吟新句拭
淚燈前刺繡針做就雙鞋今寄去不知何日共
鴛衾

易祓妻

對雪

紛紛瑞雪壓山河特出新奇和郢歌樂道幽人
方閉戶高歌漁父正披簑自嗟老景光陰速惟
使佳時感愴多更念鰥居憔悴客映書無寐柰
愁何

賈蓬萊

閨情

燕子南來鴈北飛遠人何事竟忘歸一腔心病
難形口萬斛愁情盡屬眉試掠金釵臨曉鏡潛
垂玉筓漬春衣鄰姬莫問容顛顛只有西窗夜

月知

遼

蕭瑟瑟

詠史

蕭瑟瑟天祚文妃善文墨嘗作詠史詩以
諷諫契丹後被誅

丞相朝來劍佩鳴千官攔日寂無聲養成寇盜
謀將及害盡忠良諫不行親戚盡連藩屏位私
門潛畜爪牙兵可憐二世秦天子猶向宮中望

太平

元

王氏

題清風嶺

君王無道妾當災
棄女拋男逐馬來
夫面不知何日見
妾身還向幾時回
兩行怨淚偷頻滴
一對愁眉鎖不開
遙望家鄉何處是
存亡兩字實哀哉

何氏

裂帛詩

妾長朱門十九春
豈期今逐虜囚奔
失身無補君王事
死節難酬夫壻恩
江靜從教沉弱質
月明誰與弔歸魂
只愁父母難相見
願與來生作子孫

鄭允端

追和虞伯生城東看杏花韻

城東今日去看花
祇用堯夫小小車
布襪青鞋供眺望
暖風紫陌少塵沙
不須問酒來村店
便

好行吟到日斜記取及時成勝賞莫教容易過
韶華

胡妙端

題壁上

弱質空懷漆室憂搜山千騎入深幽旌旗影亂
天同慘金鼓聲搖鬼亦愁父母劬勞何日報夫
妻恩愛此時休九泉有路還歸去那箇雲邊是
越州

蘭氏

題壁間

涇渭難分濁與清此身不幸厄紅巾孤兒豈忍
更他姓烈婦何曾事二人白刃自揮心似鐵黃
泉欲到骨如銀荒村日落猿啼處過客聞之亦
慘神

万俟蕙柔

題壽沙驛壁

夫官湖右妾江東三載孤幃日夕空葵萼有心
終向日柳花無力苦隨風兩行血淚孤燈下萬

里家鄉一枕中鴈到衡陽身卽返有書難倩子
卿鴻

葉正甫妻劉氏

製衣寄外

情同牛女隔天河又喜秋來得一過歲歲寄郎
身上服絲絲是妾手中梭剪聲自覺和腸斷線
脚那能抵淚多長短只依先去樣不知肥瘦近
如何

徐氏女

途中怨

萬水千山去路賒青鞋踏破幾層沙登山絕頂
重逢嶺渡水尤深又復涯鴈字只傳夫與子魚
書難寄母和爺回頭遙望鄉關處雲下峰前是
我家

蘇小卿

題金山寺壁

憶昔當年拆鳳凰至今消息兩茫茫蓋棺不作
橫金婦入地當尋拆桂郎彭澤曉烟迷宿夢瀟

湘夜雨斷愁腸新詩漫寫金山寺高掛雲帆上
豫章

并案

書 鑿 寄 母 味 爺 回 頭 望 望 嶽 關 嵐 雲 不 到 前 長
重 致 巖 勢 水 武 梁 又 寫 紙 頭 字 只 慚 夫 與 子 自
萬 水 千 山 去 朝 朝 暮 暮 歸 朝 朝 暮 暮 登 山 望 遠

名媛彙詩第十六卷目錄

七言律詩

明

鐵氏長女

教坊獻詩

鐵氏次女

教坊中呈原問官

沈氏

送弟就試春官

林鴻妻朱氏

勉外

林氏

晚春自遣

倦綉

李公昂妻陳氏

至淮陰

高郵

春日

秋興二首

行閩山見居人以竹引泉

睡起

遣興

暮春

贈五臺尼姑雲秀峯

書懷

哭夫

秋夜

別同寅常夫人

和彥成弟韻

贈于府尹女張夫人

秋夕

朱靜庵夫人許來訪竟不見過作此以

寄

雜興

書懷

朱靜庵

春雨

湖曲

夜坐

秋夜

答李都憲

吳山懷古

孟淑卿

香奩冬詞

鄒賽貞

京邸九日懷未軒

瓊林宴

春日述懷

壬子秋未軒移單葉葵花二本植書軒

窻下至乙卯春變開千葉未軒喜賦瑞

葵詩因和其韻

潘氏

寓金陵寄長兄野泉

新秋

哭夫

翠翹

寄左公詩

豫章婦

絕客詩

楊慎妻黃氏

寄外
庭榴

馬氏

庭中牡丹盛開詩以賞之

孫夫人

聞鴈 越城懷古

憶京華 鑰錠鈞三子次韻

董夫人黃丸

中秋感懷

陸卿子

贈安美人楮 秋懷

出婢 贈馮美人

贈袁參知如夫人

徐媛

題山中古墓 游徐氏山莊

重酬前韻 題垂柳

尹氏

雨後 深夜坐吟

吳氏

寄母

徐淑英

題王昭君和番圖

馬氏

秋閨夢成

端淑卿

春

偶成

秋日聞鴈

朝鮮女子

許景樊

次仲氏箴

皇帝有事天壇

次仲氏高原望高臺韻

送宮人入道

次仲氏見星菴韻

又次仲氏高原望高臺韻

李淑媛

春日有懷

夢作

青樓怨

燕

七言排律

唐

魚玄機

左名場自澤洲至京使人傳語

春情寄子安

次光威哀韻

光威哀

聯句

宋

桂英

賀王魁登第

古今名媛七言律卷之十六

閩中鄭文昂李卿甫編輯

明

鐵氏長女

教坊獻詩

教坊脂粉洗鉛華一片閒心對落花舊曲聽來
猶有恨故園歸去已無家雲鬟半挽臨粧鏡雨
淚空流濕絳紗今日相逢白司馬尊前重與訴
琵琶

名媛彙詩

卷十六

鐵氏次女

教坊中呈原問官

骨肉相殘產業荒一身何忍去歸娼淚垂玉筋
辭官舍步斂金蓮入教坊覽鏡幸無傾國色向
人休學倚門粧春來雨露寬如海嫁得劉郎勝
阮郎

沈氏

送弟就試春官

自少離家侍禁闈人間天上兩依稀朝迎鳳輦

趨青瑣夕捧鸞書入紫微銀燭燒殘空有淚玉
釵敲斷竟無歸年來望爾登金籍同補華蟲上
袞衣

林鴻妻朱氏

勉外

玉食叨陪近尚方五雲深處列鵷行經綸輔國
從人仰竹帛流芳與世長待漏衣沾仙掌露趨
朝身惹御爐香功成身退歸寧日一榻清風綠
野堂

林氏

晚春自遣

拋却銀針到小庭
遣情無奈獨傷情
高低別院鞦韆影
遠近人家笑語聲
黃鳥曉寒藏翠柳
綠苔春盡點紅英
一年好景仍孤負
堪嘆嫦娥老此生

倦綉

春思厭厭與病兼
女工何暇着心拈
金針未結愁先結
綵線纔添恨亦添
靈鵲有情非可信
喜

蛛無驗竟空占
侍兒莫訝工夫欠
綉就鴛鴦恐自嫌

李公昂妻陳氏

至淮陰

淮河西畔泊行舟
野蓼汀花對客愁
帆影遠隨波影滅
櫂聲低逐浪聲流
雲橫遠岫千林晚
雨過長堤晚岸秋
最是烟波好風景
白蘋深處浴輕鷗

高郵

蕭蕭蘆葦沒長堤野色秋光總入題木落山空
雲影薄天高水濶浪痕齊商船泊岸牙檣密旅
館招人酒旆低一片孤帆隨鳥沒又聞柔櫓夕
陽西

春日

恰恰流鶯轉樹梢融融春色遍江皋池塘弄碧
鋪輕絮庭院飛紅謝小桃日午堂前人語寂雨
晴堤上燕群高新詩每欲追風雅檢閱篇章論
楚騷

秋興二首

小塘蒲柳漸蕭疎露滴銀床下井梧隱去陶潛
戀松菊歸來張翰憶尊鱸雨收殘暑蟬聲咽風
送新涼鴈影孤每爲悲秋減懷抱任他香冷博
山壚

江上浮雲障碧空亂山愁鎖夕陽紅邊城畫角
吹殘日野寺疎鐘度晚風梧樹着霜飄敗葉菊
花經雨發寒叢愁多倦寫蠅頭字坐倚胡床看
塞鴻

行闌山見居人以竹引泉

行盡山溪路渺茫幾家茅屋對斜陽引泉竹溜
穿厨入壓粉松花遶舍香樵徑無人閒臥犢石
田有雨漸分秧平生頗有山林僻欲向溪邊結
草堂

睡起

旭日暉暉上枕屏芙蓉衾暖夢初醒銀鈎半捲
鮫綃帳玉醴新傾琥珀瓶梅樹結胎惟露紫竹
枝含影尚餘青凍蠅無力飛還墮又掛蛛絲入

短檠

遣興

花霧霏霏壓畫闌綺窗贏得一春閒曉粧試欲
尋芳去晚醉應須帶酒還梨萼已舒蝴蝶粉笋
尖初試玳瑁斑朱門盡日無人閉海燕歸來不
上關

暮春

小庭槐影漸成陰池館無人院宇深簾捲蝦鬚
人寂寂香焚鵲尾晝沉沉海棠咲日嬌常困楊

柳搖風瘦不禁薄暮盡欄人散後落花滿地碧
苔侵

贈五臺尼姑雲秀峯

貝葉翻經下五臺倏然飛錫到天台鉢分甘露
沾三界手散曇花遍九垓機事忘時心地豁真
空悟後性田開何當得遂叅禪約不二門中任
往來

書懷

遊宦江湖已有年歸來晦跡愛林泉自知學道

疎人事每爲搜詩減夜眠開戶欲尋芳草地捲
簾愁對杏花天肯將俗事縈懷抱須向山中作
女仙

哭夫

將相功名四十年豈期一別隔重泉文章自合
今時範政績堪爲後世傳對鏡每傷鸞影隻傳
家須得鳳毛賢淒風苦雨寒燈下幾度哀思痛
慘然

秋夜

霜染楓林幾樹紅，碧天雲散月如弓。十年遊覽江湖外，一枕逍遙夢寐中。到處山河多禹跡，滿城冠服有唐風。愁懷清思難消遣，四壁啾啾聒夜蟲。

別同寅常夫人

搖搖征旆動離情，欲去還留未忍行。雨過汴梁農事足，潮歸江右客帆輕。關山跋涉難爲別，道路驅馳不記程。後會無由託魚鴈，相看惟仗酒頻傾。

和彥成弟韻

詩句裁成典有餘，緘封問我近何如。形容每向愁中變，書信常於別後疎。故里幾年煩筆硯，名邦今日擁旌旗。慈闈侍養須三釜，忠孝家傳莫負初。

贈于府尹女張夫人

節婦忠臣自一家，卽今人物復誰誇。高標已有三從德，雅志先成九轉砂。湛湛壺天間日月，離離庭草帶烟霞。幾回欲問長生訣，闔苑瑤臺道

路賒

秋夕

水滴銅壺夜漏停樓頭月午睡初醒丹爐養藥
重添火小閣焚香再禮星撼撼風聲敲木葉輝
輝燈影照幃屏擁衾忽爾成奇夢直駕長鯨過
洞庭

朱靜庵夫人許來訪竟不見過作此以寄

美人曾約來相訪底事雲軿竟不過深院雪消
芳草綠小園風過落梅多欲餐白石先投藥愛
寫黃庭不換鶯我欲共君修大道他年銅狄再
摩挲

雜興

太極由來不可名內觀須向道中醒陰陽未判
皆無像天地纔分便有形胡馬固應嘶北地鯢
鵬多是化南溟也知盡性能窮物靜學希夷百
慮停

書懷

五十年來鬢已華只將修練作生涯丹書細閱
求傳道爐竈時封學養砂服食未諳雲母粉幽
棲多種石楠花間來想像陶弘景高拱樓居遠
俗譁

朱靜庵

春雨

濕雲漠漠雨如絲花滿西園蝶未知金屋曉寒
鶯語澁畫樓春曉燕歸遲宮桃有恨啼紅淚烟
柳多情斂翠眉檀板金尊久寥落孤城愁聽角

聲悲

湖曲

湖光山色映柴扉茅屋疎籬客到稀閒摘松花
釀春雨旋栽荷葉製秋衣紅分夜火明書屋綠
漲晴波沒釣磯惟有溪頭雙白鳥朝朝相對亦
忘機

夜坐

吳蠶初出欲眠難數盡更籌覺暮寒柳邑弄陰
春已暝角聲吹月夜將闌金壚火冷沉烟細羅

卷十六
幌風生蠟炬殘獨坐空庭望銀漢碧天如水露
溥溥

秋夜

月轉梧桐夜未央繡屏斜裊篆烟香金風初起
桂花落玉露無聲秋夜長碧海望窮仙路遠紫
簫聲徹晚天涼乘槎欲共天孫會惆悵銀河路
渺茫

荅李都憲

代夫作

獨坐空堂玉漏遲故人何處不相知蟲聲依井

夜將半花影橫窗月上時促席每聆高世論挑
燈重看寄來詩恨無羽翼飛騰去幾度臨風動
客思

吳山懷古

萬里中原戰血腥宋家南渡若爲情忠臣有志
清沙漠庸主無心復汴京北塞春風啼蜀魄西
湖夜月照瑤箏百年興廢空陳迹回首吳山落
照明

孟淑卿

名媛彙詩

卷十六

香奩冬詞

默坐深閨思有餘，霜威漸覺襲衣裾。
青綾被冷無鴛夢，紫塞天寒斷鴈書。
竹葉舞風侵戶響，梅花和月上窗虛。
雙蛾爭似庭前柳，臘盡春來忽又舒。

鄒賽貞

京邸九日懷未軒

十年清苦伴青瑣，喬握無緣別思牽。
楓葉蕭蕭添晚思，菊花朵朵鬪寒妍。
秋江未見歸張翰，孤

館誰憐老鄭虔，欲覓白衣充酒使。
遠傳逸興到籬邊。

瓊林宴

聖主恩榮宴相才，穀中英俊總追陪。
喜酬司馬簪花志，敬仰神堯祝壽杯。
鐘鼓鏗鏘迎瑞靄，蛟龍變化蟄春雷。
長安道上人如簇，爭看仙郎御燕回。

春日述懷

遲遲日影上簾鉤，百種新愁掛念頭。
午睡易驚

卷十六
鄉夢遠春輝難報寸心柔芸窗燈火常當夕鵬
路風雲未遇秋身病消容尤可恨菱花照處自
堪羞

壬子秋未軒移單葉葵花二本植書軒
窗下至乙卯春變開千葉未軒喜賦瑞
葵詩因和其韻

千層錦繡絢精霞往歲開來莫此嘉恐爲陸蓮
呈瑞萼又疑玉樹吐天葩迎烟翠葉翻清影向
日丹心絕點瑕命僕持壺供客賞姚黃魏紫不

須誇

潘氏

寓金陵寄長兄野泉

萬丈華峰瀨水東天涯秋晚思無窮兄南弟北
三年別越水吳山兩地同明月曉光移檻白芙
蓉秋色映江紅鶴鴿誦罷情無已片楮聊將託
便鴻

新秋

窗前初月掛銀鈎水色山光總是愁花落碧苔

閒白晝鳥啼庭樹弄清秋紛紛黃葉隨風舞落
落寒泉傍檻流月色滿簾多意趣蕭然物外自
神遊

哭夫

不幸我夫殞帝州扶棺千里豈勝愁只知誦讀
頻勞力誰料功名未到頭父母恩深安得報夫
妻情重幾時休西川面目何由見腸斷西風血
淚流

翠翹

寄左公詩

一點芳心尚未灰那知浪性效王魁楊花有力
隨風舞葵霍留心向日開萬斛愁腸凝畫錦兩
行珠淚濕香腮幾回謾把簾高捲不見尋巢舊
燕來

豫章婦

絕客詩

失翅青鸞似困雞偶隨孤鶴到江西春風桃李
空嗟怨秋水芙蓉強護提仙子自居蓬島境漁

郎休想武陵溪金鈴掛在花枝上不許流鶯聲
亂啼

楊慎妻黃氏

寄外

鴈飛曾不到衡陽錦字何由寄永昌三春花柳
妾薄命六詔風烟君斷腸日歸日歸愁歲暮其
雨其雨怨朝陽相聞空有刀環約何日金鷄下
夜郎

庭榴

移來西域種多奇檻外緋花掩映時不爲秋深
能結實肯于夏半爛生姿翻嫌桃李開何早獨
秉靈根放故遲朶朶如霞明照眼晚涼相對更
相宜

馬氏

庭中牡丹盛開詩以賞之

翠露紅雲護短墻豪華端稱作花王洛陽宮裏
楊妃醉吳國臺前西子粧芳露淡勻腮粉膩暖
風輕度口脂香開時亦自知珍重靜鎖春風白

畫長

孫夫人

聞鴈

帶月穿雲晚亦過
數聲嘹唳近銀河
川源萬里來何遠
關塞千重度更多
曾寄尺書歸上苑
還拖秋影落寒波
天涯旅客愁聞汝
喚起鄉心奈若何

越城懷古

海國淒涼千載恨
滔滔都付水流東
千年霸越人何在
一戰吞吳事已空
弱柳新隨黃鳥轉
荒臺猶在綠烟籠
只今惟有稽山月
曾吐金輝照故宮

憶京華鑰錠鈞三子次韻

旅居抱病自躊躇
荏苒流光逼歲除
天畔雙魚無處覓
日邊三鳳竟何如
文園司馬應裁賦
漢闕孫弘待上書
南土只今多寇盜
倚門焉得鬱懷舒

董夫人

名媛彙詩

卷六

十五

中秋感懷

晴光萬里遍長城玉鏡高懸處處明故國登樓
魚鳥近他鄉作客夢魂驚浮雲絕塞征人意落
日深閨少婦情莫倚朱顏還易老年年白髮伴
愁生

陸卿子

贈安美人楮

朝來花下共踟躕花滿東林錦作鋪月照春隄
留妙舞香生綺閣換羅襦佳人解識荆山玉小

婢能探越國珠一顧千金猶自惜可憐重過碧
山隅

秋懷

衰草離離滿地愁雲天漠漠夕陽收池塘水落
芙蓉冷城郭風生薜荔秋畫角無聲悲夜月玉
壺有恨噎更籌傍人欲問青囊錄滄海微茫不
可求

出婢

撥盡琵琶奏楚聲多情元是未知情非關公子

偏憐馬自恨佳人，不絕纓蠟炬。夜深空有淚，桃花日煥卻飄英。于今玉貌誰堪賞，綺閣雲空月自明。

贈馮美人

神女羞歌婉轉聲，佳人應是讓傾城。柳爭綽約纖腰舞，月共嬋娟秀色明。灼灼祇疑花上豔，盈盈還比掌中輕。鶯鶯燕燕渾無語，惟有雲間落雁驚。

贈袁參知如夫人

彷彿佳人字阿嬌，漢宮曾共鬪纖腰。層波細蹙還留盼，妙唱偏遲更協簫。色比露桃添澹澀，步同風蝶借飄颻。夜深祇恐還飛去，網戶金屏掩碧霄。

徐媛

題山中古墓

葱龍曙色望中來，一片寒光淨碧苔。千嶂嵯峨雲影亂，一溪虛淼鏡花開。白楊寂寂啼烏悄，芳草萋萋過鴈哀。惟有北邙深夜月，幽光常照古

陵臺

游徐氏山莊

秋空望望海雲連
落日村墟見塔懸
千疊芙蓉侵碧漢
一灣水月印心禪
秋風半老梧桐色
香霧平分橘柚烟
啼鳥夕陽行客倦
不妨下榻卧林泉

重酬前韻

長風拂甸岱雲黃
絕塞征鴻夜夜霜
瀚海浮槎人共影
邊關躍馬箠爲梁
不驚飛柳絮樓頭
色落盡梅花笛裏香
聞道燕然猶未勒
倩誰揮箭射天狼

題垂柳

離亭陌上散芳塵
鄴下齊看浥露新
黛綠巧奪粧婦色
團香初着御袍人
章臺繫馬爭攀折
御苑藏鶯幾換春
今日飄零任蕭索
淒迷風雨對河濱

尹氏

雨後

名媛彙詩

卷之六

六

滿院荼蘼雨後香洗殘紅粉入池塘輕風搖葉
千珠落淡日穿枝半樹黃杜宇飛春啼小柳狂
蜂釀蜜歇新梁畫棟無人竹影亂久別家鄉日
漸長

深夜坐吟

漠漠長空似水清金波淨滑月輕盈微風半夜
添衣冷弱柳千枝帶露明滿院春容鎖不住一
翻花信爲誰驚沉吟深夜愁無緒金鴨寒香盡
竹橫

吳氏

寄母

久違膝下缺承歡尺素無由遠問安蓬島日華
雙闕曙洞庭秋老兩峯寒紫泥詔下終承寵白
髮年來且自寬安得南歸重戲綵菊花插取滿
頭看

徐淑英

題王昭君和番圖

飄飄馬上出長門入塞從今別漢君
堊磧空逢

內苑月瑣城那見故鄉雲胡笳雪擁寒中聽畫
角風吹怨裏聞心事一腔何日訴琵琶曲盡總
銷魂

馬氏

秋閨夢戍

夫重封侯妾愛輕漫歌琥珀戀寒更遊魂自苦
人何在芳草無言路不明彷彿玉關傷舊別徘徊
油幕訂新盟夢回簷馬迎風處猶是沙場劍
戟聲

端淑卿

春

院外鶯啼二月中粧臺日影映簾櫳潤回野草
茸茸綠暖入瓊枝簇簇紅乍試輕羅沾社雨偶
嘗新釀醉東風閒來點檢芳時事花底青絲墜
小蟲

偶成

獨倚高樓空九州渺茫魚鴈兩悠悠山分句曲
雲三徑水遶姑溪鷺一洲柳色迎風春促恨鶯

聲弄巧日供愁亭前靜裡修花竹葵葉烹茶自
點甌

秋日聞鴈

北鴈南飛底事忙聲傳朱戶淚沾裳愁將綠醕
傷秋菊忍對丹楓帶曉霜疊疊煙雲迷去路瀟
瀟風雨逐他鄉家山何處人千里一片歸心空
自傷

朝鮮女子

許景樊

次仲氏詩

甲山東望鬱嵯峩遷客悲吟意若何孤雁忍分
清漢影朔風偏起大江波關榆曉角征衣薄塞
路驚心落葉多銀燭夜闌戎帳立庭闈歸夢好
經過

皇帝有事天壇

羽蓋徘徊駐碧壇璧階清夜語和鑾長生錦誥

名媛彙詩

丁寧說延壽靈方仔細看曉露濕花河影斷天
風吹月鶴聲寒齋香燒罷敲鳴磬玉樹千章遶
曲欄

次仲氏高原望高臺韵

龍嵒危棧接雲霄峯勢侵天作漢標山脉北臨
三水絕地形西壓兩河遙烟塵暮捲孤城出首
霜秋肥萬馬驕東望塞垣鼙鼓急幾時重起霍
嫖姚

送官人入道

拜辭清禁出金鑿換却鴉鬟着玉冠滄海有緣
應駕鳳碧城無夢更驂鸞瑤裾振雪春雲煖瓊
珮鳴空夜月寒幾度步虛銀漢上御衣猶似奉
宸權

次仲氏見星菴韻

雲生高嶂濕芙蓉琪樹丹崖露氣濃板閣梵殘
僧入定講堂齋罷鶴歸松蘿懸古壁啼山鬼霧
鎖秋潭臥燭龍向夜香燈明石榻東林月黑有
踈鐘

又次仲氏高原望高臺韻

層城一柱壓嵯峨西北浮雲接塞多
鐵峽霸圖龍已去穆陵秋色鴈初過
山連大陸蟠三郡水劃平原納九河
萬里登臨日將暮醉憑長劍獨悲歌

李淑媛

春日有懷

章臺迢迢斷腸人雙鯉傳書漢水濱
黃鳥曉啼愁裏雨綠楊晴裊望中春
瑤階寂歷生青草寶

瑟淒涼閉素塵誰念木蘭舟上客
白蘋花滿廣陵津

夢作

橫海靈峯壓巨鰲六龍晨吸九河濤
中天樓閣星辰近上界烟霞日月高
金鼎滿盛丹井水玉壇晴曬赤霜袍
蓬萊鶴駕歸何晚一曲鸞笙老碧桃

青樓怨

羅幃織縷百和香煖氣氤氳小洞房
腸斷秦樓

分翡翠波流湘浦隔鴛鴦南窗明月懸朱綴北
牖嬌雲冷玉床十二斜行金鴈柱碧紗如霧夢
偏長

燕

畫棟深深翠幙低雙飛雙去復雙棲綠楊門巷
東風晚青草池塘細雨迷趁蝶幾翻穿藥圃壘
巢終日啄芹泥托身得所棲偏穩養子年年羽
翼齊

七言排律

唐

魚玄機

左名場自澤洲至京使人傳語

閑居作賦幾年愁王屋山前是舊遊詩詠東西
千嶂亂馬隨南北一泉流曾陪雨夜同歡席別
後花明獨上樓忽喜扣門傳語至爲憐隣巷小
房幽相如琴罷朱絃斷雙燕巢分白露秋莫厭
蓬門時一訪每春忙在曲江頭

春情寄子安

山路欹斜石磴危，不愁行苦苦相思。冰消遠壑，
憐清韻，雪遠寒峯。想玉姿、莫聽凡歌。春病酒、休
招閑客。夜貪碁如松匪石，盟長在比翼連襟。會
宵遲，雖恨獨行冬盡。日終期相見，月圓時別君。
何物堪持贈，淚落晴光一首詩。

次光威哀韻

昔聞南國容華少，今日東鄰姊妹三。粧閣却看
鸚鵡賦，碧窗應綉鳳凰衫。紅芳滿院參差折，綠

醕盈杯次第啣。恐向瑤池曾作女，謫來塵世未
爲男。文姬有貌終堪比，西子無言我莫慙。一曲
艷歌琴杳杳，四絃輕撥語喃喃。當臺競鬪青絲
髮，對月爭誇白玉簪。小石洞中松露滴，大羅天
上柳烟含。但能爲雨心長在，不怕吹簫事未諳。
阿母幾嗔花下語，潘郎曾向夢中參。慙持清句
魂猶斷，若覩紅顏死亦甘。悵望佳人何處在，行
雲歸北又歸南。

光威哀

聯句

朱樓影直日當午玉樹陰低月已三光膩粉暗

銷銀縷合錯刀閑剪泥金衫威繡床怕引烏龍

吠錦字愁教青鳥啣哀百味鍊來憐益母千花

開處鬪宜男光鴛鴦有伴能誰羨鸚鵡無言我

自慙威浪喜遊蜂飛撲撲伴驚孤燕語喃喃哀

偏憐愛數蟄蛺蝶掌每憶光抽玳瑁簪光烟洞幾

年悲尚在星橋一夕悵空含威窗前時節羞虛

擲世上風流笑苦諳哀獨結香銷偷餉送暗垂

檀袖學通叅光須知化石心難定却是為雲分

易甘威看見風光零落盡絃聲猶逐望江南哀

宋

桂英

賀王魁登第

人來報喜敲門急賤妾初聞喜可知天馬果然

先驟躍神龍不肯後蛟螭海中空却雲鰲窟月

裏都無丹桂枝漢殿獨成司馬賦晉庭惟許宋

君詩身登龍首雲雷疾名落人間霹靂馳一榜

神仙隨馭出九衢卿相盡行遲烟霞路穩休回
言舜禹朝清正得時夫貴婦榮千古事與君才
貌各相宜



